



Босна и Херцеговина  
Агенција за идентификациона  
документа евиденцију  
и размјену података



Bosna i Hercegovina  
Agencija za identifikacijske/identifikacione  
isprave/dokumente, evidenciju  
i razmjenu podataka

Broj: 15-03-16-5-21-25/21

Datum: 20.4.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stava 2. tačke d) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o poništenju postupka nabavke

### Član 1.

Poništava se postupak javne nabavke **auto-guma i potrošnog materijala**, objavljen na web portalu Agencije za javne nabavke Bosne i Hercegovine, Obavještenje o nabavci broj 1110-1-1-11-3-32/21 od 17.3.2021. godine, a koji je proveden otvorenim postupkom.

### Član 2.

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom donošenja.

## O b r a z l o ž e n j e

Po izvršenim aktivnostima, Komisija za provođenje postupka javne nabavke (u daljem tekstu: Komisija) je konstatovala je da je rok za dostavljanje ponuda bio 14.4.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine pristigle dvije (2) ponude i to ponuđača „GUMA VP 200“ d.o.o. Mostar i ponuđača „TOTAL TRADE“ d.o.o. Dobj.

Prema specifikaciji navedenoj u Tenderskoj dokumentaciji, a nakon provedenog postupka analize ponuda i ocjene ponuda Komisija je izradila Zapisnik o pregledu i ocjeni ponuda, broj 15-03-16-5-21/21 od 16.4.2021. godine, a u kojem su detaljno obrazloženi razlozi za poništenje postupka.

Zapisnički je utvrđeno da ponuda ponuđača „GUMA VP 200“ d.o.o. Mostar nije kvalifikovana jer prema Izvještaju o preuzimanju tenderske dokumentacije od strane ponuđača od 11.4.2021. godine za ovaj postupak javne nabavke ponuđač se ne nalazi na spisku pravnih lica i ponuđača koji su preuzeli tendersku dokumentaciju u sistemu „E-nabavke“. Cijeneći da ovaj ponuđač nije registrovan u sistemu „E-nabavke“ da je preuzeo



Tendersku dokumentaciju putem iste u skladu sa stavom (1) člana 55. Zakona o javnim nabavkama i stavom (4) člana 9. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-nabavke“ („Službeni glasnik BiH“, br. 90/14 i 53/15) ponuda ponuđača „GUMA VP 200“ d.o.o. Mostar je odbačena.

Analizom ponude ponuđač „TOTAL TRADE“ d.o.o. Doboj Komisija je utvrdila da je ponuđač kvalifikovan, ali je da njegova ponuda nije prihvatljiva iz razloga što cijena iste je znatno veća od osiguranih sredstava za predmetnu nabavku, odnosno prelazi procijenjenu vrijednost javne nabavke koja iznosi 17.094,02 KM bez PDV-a, odnosno 20.000,00 KM sa PDV-om, jer ponuda ovog ponuđača iznosi 28.311,66 KM bez PDV-a i sa popustom, odnosno 33.124,65 KM sa PDV-om i popustom.

Imajući u vidu navedeno, a u skladu sa članom 69. stav 2. tačka d) Zakona o javnim nabavkama, Komisija je predložila donošenje odluke o poništenju postupka nabavke autoguma i potrošnog materijala, te je na osnovu prijedloga Komisije odlučeno kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR  
Dr. sc. Arif Narić

Signed by: ANARIC / digitalno potpisano / digitally signed